

第六八六冊

經濟彙編

食貨典

賦役部

(卷)

二七—三九

古今圖書集成

中華書局影印



古今圖書集成

中華書局影印

欽定古今圖書集成經濟彙編食貨典

第一百十七卷目錄

賦役部彙考七

唐二 天寶十則 肅宗一則 肅宗至德一則
則 永泰二則 貞元四則 肅宗建中二則
則 元一則 貞元四則

食貨典第一百十七卷

賦役部彙考七

唐二

天寶元年免百姓欠負租稅及諸色令州縣勘會人丁之數放免差役有差

按唐書元宗本紀不載 按舊唐書本紀天寶元年春正月丁未朔大赦改元百姓所欠負租稅及諸色並免之

按杜佑通典元年正月敕文如聞百姓之內有戶高丁多苟爲規避父母見在乃別籍異居宜令州縣勘會其一家之中有十丁以上者放兩丁征行賦役五丁以上者放一丁即令同籍共居以敦風教其侍丁老者假免差科

天寶三載定人丁爲二等每歲庸調九月起徵 按唐書元宗本紀不載 按食貨志三載更民十八以上爲中男二十三以上成丁

按舊唐書本紀三載十二月甲寅親祀九宮貴神大赦天下百姓十八已上爲中男二十三已上成丁每

歲庸調八月起徵可延至九月 按食貨志三載又降優制以十八爲中男二十二爲丁天下籍始造四

本京師及東京尚書省戶部各貯一本以備軍駕行幸省於載運之費焉 又按志三載二月二十五日

敕文每載庸調八月徵以農功未畢恐難濟辦自今已後延至九月三十日爲限

天寶五載詔貧不能自存者每鄉免三十丁男子七十五以上婦人七十以上中男一人爲侍又停郡縣

日直課錢 按唐書元宗本紀不載 按食貨志五載詔貧不能自濟者每鄉免三十丁租庸男子七十五以上婦人

七十以上中男一人爲侍八十以上以令式從事是時海內富實米斗之價錢十三青齊間斗纔三錢絹

一匹錢二百道路列肆具酒食以待行人店有驛驢行千里不持尺兵天下歲入之物租錢二百餘萬緡

粟千九百八十餘萬斛庸調絹七百四十萬匹綿百八十餘萬屯布千三十五萬餘端天子驕於佚樂而

用不知節大抵用物之數常過其所入於是錢穀之臣始事腹剋太府卿楊崇禮句剝分銖有欠折漬損

者州縣督選歷年不止其子慎於專知太府久子慎名知京倉亦以苛刻結主恩王鉞爲戶口色役使歲

進錢百億萬緡非租庸正額者積百寶大盈庫以供天子燕私

按舊唐書本紀五載五月癸卯停郡縣差丁日直課錢 按杜佑通典五載制天下百姓單貧交不存濟者租

庸每鄉通放三十丁其年五月停郡縣官日直課錢

但計數多少同料錢加稅充用即應差丁充日直并停

天寶六載免天下今載地稅其征行差科准飛騎例蠲免

按唐書元宗本紀不載 按冊府元龜六載正月詔天下百姓今載地稅並去載應損郡通租懸調諸色

勾微變換等物及請延限並宜一切放免征行之家每令存卹差科之際或未優矜自今已後並准飛騎

例蠲免 天寶七載詔免百姓今載未納地稅諸色及來載租庸

按唐書元宗本紀七載五月壬午羣臣上尊號大赦免來載租庸

按冊府元龜七載五月甲戌冊尊號畢大赦詔天下百姓今載地稅并諸色勾徵欠負等色在百姓腹內

未納者并一切放免 天寶八載詔停徵逃戶租稅又詔男婦七十以上給一子侍

按唐書元宗本紀八載閏六月丙寅羣臣上尊號大赦男子七十婦人七十五以上皆給一子侍

按冊府元龜八載正月敕朕永念黎元務弘愛育所以惠政頻及寬貸相仍亦將克致和平登於仁壽如

聞流庸之輩漸亦歸復浮食未還其數非廣靜言此色並見其繇蓋爲宰牧等授任親人職在安戢稍有

逃逸恥言減耗籍帳之間虛存戶口調賦之際旁及親鄰此弊因循其事自久寤寐與念良用慨然不有

釐革孰致殷阜其承前所有虛掛丁戶應徵租庸課

稅令近親鄰保代輸者宜一切並停應合除削各委本道採訪使與外州相知審細簡覆申牒所繇分其逃還復業者務令優恤使得安存縱先為代輸租庸不在酬還之限

天寶九載計天下轉年合人中男成丁五十者任追團稅

按唐書元宗本紀不載 按杜佑通典九年制天下雖三載定戶每載亦有團稅自今以後計其轉年合入中男成丁五十者任追團稅

天寶 載約計天下庸調租之數

按唐書元宗本紀不載 按杜佑通典天寶中天下計帳戶約有八百九十餘萬其稅錢約得二百餘萬貫大約高等少下等多今一例為八等以下戶計之其八等戶所稅四百五十二九等戶則二百二十二今通以二百五十為率自七載至十四載六七年間與此大數或多少加減不同所以言約他皆類此其地稅約得千二百四十餘萬石兩漢每戶所墾田不過七十畝今亦准此約計數課丁八百二十餘萬其庸調租等約出絲綿郡縣計三百七十餘萬丁庸調輸絹約七百四十餘萬疋每丁計兩疋綿則百八十五萬餘屯每丁三兩六兩為屯則兩丁合成一屯租粟則七百四十餘萬石每丁兩石約出布郡縣計四百五十餘萬丁庸調輸布約千三十五萬餘端每丁兩端一丈五尺十丁則二十三端也其租約百九十九萬丁江南郡縣折納布約五百七十餘萬端大約八等以下戶計之八等折租每丁三端一丈九等則二端二丈今通以三端為率二百六十餘萬丁江北

郡縣納粟約五百二十餘萬石大凡都計租稅庸調每歲錢粟絹綿布約得五千二百二十餘萬端疋屯貫石諸色資課及勾剝所獲不在其中據天寶中度支每歲所入端屯疋貫石都五千七百餘萬計稅錢地稅庸調折租得五千二百四十餘萬端屯屯其資課及勾剝等當合得四百七十餘萬其度支歲計粟則二千五百餘萬石三百萬折充絹布添入兩京庫三百萬迴充米豆供尚食及諸司官廚等料並入京倉四百萬江淮迴造米轉入京充官祿及諸司糧料五百萬留當州官祿及遞糧一千萬諸道節度軍糧及貯備當州倉布絹絲則二千七百餘萬端屯疋千三百萬入西京一百萬入東京千三百萬諸道兵賜及和糴并遠小州便充官料郵驛等費錢則二百餘萬貫百四十萬諸道州官課料及市驛馬六十餘萬添充諸軍州和糴軍糧自開元中及於天寶開拓邊境多立功勳每歲軍用日增其費糴米粟則三百四十萬疋段朔方河西各八十萬隴右百萬伊西北庭八萬安西十二萬河東節度及郡牧使各四十萬給衣則五百二十萬朔方百二十萬隴右百五十萬河西百萬伊西北庭四十萬安西三十萬河東節度四十萬郡牧五十萬別支計則二百一十萬河東五十萬幽州劍南各八十萬饒軍食則百九十九萬石河東五十萬幽州劍南各七十萬大凡二千二百六十萬開元以前每歲邊夷戎所用不過二百萬貫自後經費日廣以至於此而錫賚之費此不與焉其時錢穀之司唯務剝剝迴殘賸利名目萬端府藏雖豐閭閻困矣

天寶十四載八月辛卯免今載租庸 按唐書元宗本紀云云

按冊府元龜十四載八月辛卯天長節大赦制曰聖人積不涸之倉王者用無窮之府支計苟足多賦何為天下百姓今載租庸並宜放免天下諸郡逃戶所欠租庸應復業者其親鄰已代出租庸不在徵賂之限 又按冊府元龜十四載八月制天下諸郡逃戶有田宅產業妄被人破除并緣欠負租庸先以親鄰買賣及其歸復無所依投未言至此須加安輯應有復業者宜並却還縱已代出租稅亦不在徵賂之限國之役力合均有無比來應定門夫殊非得所每縣中男多者累載方始一差中男少者一周遂役數過既緣偏併豈可因循自今已後諸郡所差門夫宜於當郡縣通率准式納課分配令得均平

天寶十五載以第五琦為江淮租庸使

按唐書元宗本紀不載 按通鑑綱目十五載八月賀蘭進明遣參軍第五琦入蜀奏事琦言今方用兵財賦為急財賦所產江淮居多乞假臣一職可使軍無乏用上皇悅以為租庸使

肅宗 年始以財賦歸大盈庫

按唐書肅宗本紀不載 按食貨志故事天下財賦歸左藏而大府以時上其數尚書比部覆其出入是時京師豪將假取不能禁第五琦為度支鹽鐵使諸皆歸大盈庫供天子給賜主以中官自是天下之財為人君私藏有司不得程其多少 至德二載免天下租庸三分之一又給復諸州縣及陣亡之家有差

按唐書肅宗本紀至德二載十月癸亥給復鳳翔五載十二月戊午大赦瘞陣亡者致祭之給復其家二載免天下租庸來歲三之一給復潞州五載并鄧許滑宋五州雍丘好時奉先縣二載益州三載

按開府元龜二載十二月詔以討安祿山陣亡人家給復二載諸郡縣或隔絕賊境則困於幽殘或憊宴官軍則弊於賦役其今載租庸三分放一其天下百姓應諸色人勾徵及欠負官物一切放免太原久遭圍逼給復三載上黨三度被攻給復五載其南陽潁川靈昌睢陽雍丘等郡縣堅壁多時力窮方下絕食尚守情亦可矜宜各給復三載其好時奉先兩縣進退禦寇徵求復多各給復三載蜀郡上皇親幸萬乘久居明載租賦宜依常式給復三載

乾元元年量免陷賊州稅詔天下百姓非租庸母輒役使又放今年租庸及免諸色役事

按唐書肅宗本紀乾元元年正月乙巳上上皇天帝冊號曰聖皇天帝丁未大赦改元免陷賊州三歲稅四月甲寅朝享於太廟有事於南郊乙卯大赦賜文武官階勳爵天下非租庸母輒役使

按開府元龜元年正月冊尊號禮畢赦詔天下百姓今年租庸並放其百司府縣諸色雜供各宜減半其雜徭役非要切者一切並停其州因城陷被殺戮殘毀者委本道使勘實取實各量免其二年租賦其流亡戶復業者委本道使與刺史勾當賑給并與種子犂牛仍免三年租賦四月享廟禮畢詔天下百姓除正租庸外一切不得別有使役十月冊成王為皇太子詔天下孝子順孫義夫節婦終身勿事

按通鑑綱目元年二月大赦改元盡免百姓今載租庸

乾元二年詔給復流民還者三年放免州縣諸色欠負

按唐書肅宗本紀二年二月丁亥詔流民還者給復三年

按開府元龜二年二月丁亥詔天下州縣應欠租庸課稅傳馬粟貨糧種子羅羅變稅及管田少作諸色勾徵納未足者一切放免其正義等倉及諸色攤徵亦宜准此其至德二年十二月三十日已前和羅和市并欠負官物及諸色官錢欠利常平義倉欠負五色一切放免

實應元年租庸使元載苛徵江淮租調

按唐書肅宗本紀不載 按文獻通考實應元年租庸使元載以江淮雖經兵荒其民比諸道猶有資產

乃按籍舉八年租調之違負及逋逃者計其大數而徵之擇豪吏為縣令而督之不問負之有無貴之高下察民有粟帛者發徒圍之籍其所有而中分之甚者十取八九謂之白著有不服者嚴刑以威之民有蓄穀十斛者則重足以待命或相聚山林為羣盜縣不能制

代宗廣德元年免民通負量放戶丁給復河北又詔畝稅二升男子二十五為成丁五十五為老

按唐書代宗本紀廣德元年七月壬子大赦改元免民通負戶三丁免其一庸調給復河北三年回紇行營所經免今歲租 按食貨志元年詔一戶二丁者免一丁凡畝稅二升男子二十五為成丁五十五為

老以優民而疆寇未夷民耗斂重及吐蕃逼京師近甸屯兵數萬百官進俸錢又率戶以給軍糧

按舊唐書食貨志元年七月詔一戶之中三丁放一丁庸調地稅依舊每畝稅二升天下男子宜二十三丁五十八為老

按開府元龜元年七月詔應徵稅租刺史縣令據見在戶徵科其逃亡死絕者不得虛攤鄰保

廣德二年給復諸路初稅青苗又免越州租賦據天下實戶量差

按唐書代宗本紀二年三月辛丑給復河南府二年七月庚子初稅青苗十一月癸丑免越州今歲田租之半給復溫台明三州一年

按通鑑綱目二年秋七月稅青苗錢給百官俸唐租庸調之法壞代宗以畝定稅斂以夏秋時又以國用急不及秋苗方青即征之號青苗錢

按文獻通考二年赦天下戶口委刺史縣令據見在實戶量貧富等第科差不得依舊籍帳

末泰元年判度支第五琦請十畝稅一從之又委轉運使察諸州之科役百姓者

按唐書代宗本紀不載 按舊唐書本紀永泰元年五月麥稔判度支第五琦奏請十畝稅一畝效古什一而徵從之十二月己酉赦知聞諸州承本道節度觀察使牒科役百姓致戶口凋弊此後委轉運使察訪以聞

永泰二年轉運鹽鐵置二使分領天下財賦又稅天下地青苗錢

按唐書代宗本紀不載 按食貨志初轉運使掌外

度支使掌內永泰二年分天下財賦鑄錢常平轉運鹽鐵置二使東都畿內河南淮南江東西湖南荆南山南東道以轉運使劉晏領之京畿關內河南劍南山南西道以京兆尹判度支第五琦領之及琦貶以戶部侍郎判度支韓滉與晏分治時同紇有助收西京功代宗厚遇之與中國婚姻歲送馬十萬匹酬以緣帛百餘萬匹而中國財力屈竭歲負馬價河湟六鎮既陷歲發防秋兵三萬戍京西資糧百五十餘萬緡而中官魚朝恩方恃恩擅權代宗與宰相元載日夜圖之及朝恩誅帝復與載貳君臣猜間不協邊計兵食置而不議者幾十年而諸鎮擅地結為表裏日治兵繕壘天子不能繩以法顯畱意祠禱焚幣玉寫浮屠書度支稟賜僧巫歲以鉅萬計然帝性儉約身所御衣必浣染至再三欲以先天下然生日端午四方貢獻至數十萬者加以恩澤而諸道尚侈麗以自媚朝夕留事經歲不能遣置客省以居上封事不足采者蕃夷貢獻未報及失職未叙者食度支數千百人

按舊唐書本紀二年春正月丙戌以戶部尚書劉晏充東都京畿河南淮南江南東西道湖南荆南山南東道轉運常平鑄錢鹽鐵等使以戶部侍郎第五琦充京畿關內河東劍南山西道轉運常平鑄錢鹽鐵等使至是天下財賦始分理焉 按食貨志二年五月諸道稅地錢使殿中侍御史韋光裔等自諸道使還得錢四百九十萬貫乾元以來屬天下用兵京師百寮俸錢減耗上即位推恩庶寮下議公卿或以稅畝有苗者公私咸濟乃分遣憲官稅天下地青苗錢以

充百司課料至是仍以御史大夫為稅地錢物使歲以為常均給百官

大曆元年始征青苗錢及地頭錢又給復流民還者三年停什一稅法

按唐書代宗本紀大曆元年十一月甲子大赦改元給復流民歸業者三年 按食貨志元年詔流民還者給復二年田園盡則授以逃田天下苗一畝稅錢十五市輕貨給百官手力課以國用急不及秋方苗青即征之號青苗錢又有地頭錢每畝二十通名為青苗錢又詔上都秋稅分二等上等畝稅一斗下等六升荒田畝稅二升

按開府元龜永泰二年十一月改十一月庚辰敕曰古者量其國用而立稅典必以經費用之輕重公田之籍可謂通制履畝而稅斯誠弊法期於折衷以便於時億兆不康君孰與足故愛人之體先以博施富國之源必在均節朕自臨宸極比屬艱虞嘗欲闡敦朴之風守沖儉之道每念黎庶思致和平而邊事猶殷戎車屢駕軍興取給皆出邦畿九伐之師尚勤王略千金之費重困吾人乃者遵冉有之言守周公之制什而稅一務於行古今則編戶流亡而墾田減稅計量入之數甚倍徵之法納墜之懼當寧軫懷慮失三農憂深萬姓務從省約稍蠲蠲除用申勤恤之懷以救惻隱之弊其京兆府所奏今年秋稅八十二萬五千石數內宜減放一十七萬五千石委黎幹據諸縣戶口地數均平放免仍分明榜示百姓令知當戶所減斛斗數託奏聞其青苗地頭錢亦宜三分放一先欠永泰元年地頭錢十四萬九千一百四十一貫

並宜放免朕當躬儉節用卹我黎元中夏漸寧庶有康濟宣示百姓知朕意焉大曆元年十一月甲子日長至帝御含元殿改元制其逃戶復業者宜給復三年

又按開府元龜元年十一月制曰夫從簡之道大易至言薄賦之規前王令範朕志遵儉約務欲息人微斂無期誠為勞弊天下百姓除正租庸及軍器所須外不承正敕一切不得輒有科率逃亡失業萍泛無依特宜招綴使安鄉井其逃戶復業者宜給復三年如百姓先貨賣田宅盡者宜委州縣取逃戶死口田宅量丁口充給仍仰縣令親至鄉村安存處置務從樂業以贍資糧王畿之間賦斂尤重百役供億當甚艱辛哀我疲人良深憫念盡撤之稅著自周經未便於人何必行古其什一之稅宜停

按通鑑綱目元年十一月停什一稅法先是畿內麥稔第五琦請稅其麥畝收什一曰此古什一法也行之二十年民多流亡至是停之

大曆二年正月戊寅給復同華二州二年

按唐書代宗本紀云云

按開府元龜二年正月既平周智光智光為同華節度十二月叛詔曰求瘼卹隱諒在憂勤罷賦省徭與之休息况因師旅供億煩繁故孝武悔征伐之事魏文隆田租之復同華兩州百姓等項以賊臣背叛制在兇威淫刑以逞厚斂無度閭閻之內杆軸其空朕肝食增懷納隍自咎將問千紀之罪遂典無戰之師哀我斯人困於日費有牛酒壺漿之犒有資糧屨屨之供凋殘之餘何以堪此言念刑弊豈忘優矜宜給復二年一切蠲免放仍委刺史縣令勞徠安集庶可小

康宣示百姓使知朕意

大曆三年免京兆府夏麥七分之五其二分容至晚田熟後續納

按唐書代宗本紀不載 按開府元龜三年六月辛丑詔曰夏后氏五十而貢殷人七十而助周人百畝而徹其稅皆什一也故謂之天下中正而頌聲作矣乃者因三代之制定其稅典務於行古庶以使人屬以外攘四夷歲會戎事軍國用度公儲匱乏役費薦至近於倍征而吏或奉法不謹失我字人之意孤惻者資有厚斂豪富者貸以輕徭動而生奸浸而流弊稅之什一其實大半致有去父母之邦其庸保之役流離遭蕩靡室可依陷於死亡而莫之省每一念至良深憫惻頃以釐改從其便安置沃瘠之差寬賦斂之重今邦畿之內宿麥非稔去秋墾田又減常歲昨者徵稅其數頗多朕以萬姓不安三農將廢憂勤鬱切中夜以典思以康濟庶臻其道每欲悉免量入將悉其困而未解兵嚴猶資日費用獨數以卹疲人其京兆府於今年所率夏麥宜於七萬石內五萬石放不徵二萬石容至晚田熟後以雜色斛斗續納仍委京兆府尹崔昭差少尹李椅于頔等縣分巡撫必躬必親宣示朝章令悉朕意

大曆四年勅有司定王公士庶每戶稅錢分上中下三等又重定京兆府戶稅

按唐書代宗本紀四年三月甲戌免京兆今歲稅

按舊唐書本紀四年春正月戊子勅有司定王公士庶每戶稅錢分上中下三等秋七月戊寅詔定京兆府戶稅夏稅上田畝稅六升下田四升秋稅上田畝

五升下田三升荒田開墾者二升十二月辛酉勅京

兆府稅宜分作兩等上等每畝稅一斗下等稅六升能耕墾荒地者稅二升 按食貨志四年正月十八日勅有司定天下百姓及王公已下每年稅錢分爲九等上上戶四千文上中戶三千五百文上下戶三千文上中戶二千五百文下中戶二千文下下戶一千五百文下上戶一千文下中戶七百文下下戶五百文其見任官一品準上上戶九品準下下戶餘品並準依此戶等稅若一戶數處任官亦每處依品納稅其內外官仍據正員及占額內闕者稅其試及同正員文武官不在稅限其百姓有邸店行鋪及鹽冶應準式合加本戶二等稅者依此稅數勸責徵納其寄莊戶準舊例從八等戶稅寄住戶從九等戶稅比類百姓事恐不均宜各遞加一等稅其諸色浮客及權時寄住田等無問有官無官各所在爲兩等收稅稍殷有準八等戶餘準九等戶如數處有莊田亦每處稅諸道將士莊田既緣防禦勤勞不可同百姓例並一切從九等輸稅

按杜佑通典四年正月制下一例加稅其見任官一品至於九品同上上至下下戶等級之數并寄田寄莊及前資勳蔭寄住家一切並稅蓋近如晉宋土斷之類也上上戶四千每等減五百至下中七百下下戶至於五百

按開府元龜四年三月詔特免京兆府百姓今年稅錢十一月乙卯詔京兆府今年稅量放十萬石仍令京兆尹卽與合審勘會不支濟戶先矜放百姓應納地稅及草等各隨使送納不得勞人其諸司丁役及

掌閑驍騎等宜委中書門下勘會其先出資並官出

錢充不須與有科率是月乙亥敕曰王者以冢宰制國用司會贊歲成必視豐荒之年以均賦入之數自近古以來天下郡縣或有水旱之處則亦減其田賦休其力役不急之務不便於時亦皆節省以惠窮乏上天眷命屬朕黎元敢不敬承勵於勤卹躬自儉薄刑於家邦非上薦宗廟下資軍旅未嘗私於所奉更有徵求藏之於人孰謂不足乃者屢減邦賦以勸農耕而四時罔借九扈皆叙近自關右達於海隅溥其百穀之穰寧止三年之積非朕寡德所能臻茲蓋祖宗景靈被此嘉貺仰荷殊慶懷益深而淮南數州獨罹災患秋夏無雨田萊卒荒閭閻艱食百買皆震永念於此良增慙然我念憂傷終夜不寐且有鑄貸安用流亡其淮南今年租庸地稅旨支米等宜三分放二分 又按開府元龜四年十月勅曰比屬秋霖頗傷苗稼百姓種麥其數非多如聞村閭不免流散來年稅麥須有優於其大曆五年夏麥所稅特宜與減常年稅其地總分爲兩等上等每畝稅一斗下等每畝稅五升其荒田如能開佃者一切每畝稅二升今在必行用明大信仍委令長宣示百姓并錄勅榜示村坊要路令知朕意十二月勅項以蕃寇猶虞王師未敢所資軍費皆出邦畿征調薦興日加煩重念流亡之役減歲入之租務於惠養冀有蘇息尚聞告病終未安居深用悼懷更思優卹今關輔諸州墾田漸廣江淮轉漕常數又加計一年之儲有大半之助其餘他稅固可從輕其京兆來年秋稅宜分作兩等上下各半上等每畝稅一斗下等每畝稅六升其荒

田如能佃者宜准今年十月二十九日勅一切每畝稅二升仍委京兆尹及令長一一存撫令知朕意大曆五年定夏秋之稅青苗錢倍加之

按唐書代宗本紀不載 按食貨志五年始定法夏上田畝稅六升下田畝四升秋上田畝稅五升下田畝三升荒田如故青苗錢畝加一倍而地頭錢不在焉

按舊唐書食貨志五年三月優詔定京兆府百姓稅夏稅上田畝稅六升下田畝稅四升秋稅上田畝稅五升下田畝稅三升荒田開佃者畝率二升

大曆七年十月乙亥以淮南旱免租庸三之二十一月庚辰免巴蓬渠集壁充通開八州二歲租庸

按唐書代宗本紀云云

按舊唐書本紀七年十一月庚辰詔自項蕃戎入寇巴南屢多征役其巴蓬渠集壁充通開等州宜放二年租庸

大曆八年勅京畿青苗地頭錢准諸州例每畝十五文又定諸色丁匠納錢代役之數

按唐書代宗本紀不載 按舊唐書本紀八年春正月癸卯勅天下青苗地頭錢每畝十五文率京畿三十文自今一例十五文 按食貨志八年正月二十五日敕青苗地頭錢天下每畝率十五文以京師煩劇先加至三十文自今已後宜準諸州每畝十五文

按開府元龜八年正月詔諸色丁匠如有情願納費課代役者每月每人任納錢二千元

大曆十年四月癸未給復昭義五州二年 按唐書代宗本紀云云

大曆十二年給復金州二年

按唐書代宗本紀十二年四月金州人卓英璘反六月乙巳英璘伏誅給復金州二年

按開府元龜十二年元載主書卓英倩家在金州英倩附托元載權倖上列及載伏法英倩坐誅英倩弟英璘遂盜官器伏擁子弟據險要以拒朝命帝發禁兵千人及山南西道兵千人分道討之王師至英璘黨大潰是州以英倩之故頗至殘傷特詔給復二年十一月庚辰詔曰朕以黎元者君之肢體傷之則慘

但賦稅者國之衣食均之則贍濟然特圖其本先假貧人之獲安所謂富國所以底慎財用獨省征徭期致理於太寧庶自邇而及遠如聞巴南諸州自項年以來西有蕃夷之寇南有羌戎之聚歲會戎事城出

華車子弟困於征徭父兄疲於餽餉賦益煩重人轉流亡荒田既多頻歲仍儉戶口凋耗居邑蕭然去桑梓之重遷保山林以自活念性命於俄頃或逡巡於效攘傳不云乎窮斯濫矣顧其間井夫豈不懷哀我矜人蓋非復已朕之不德自咎良深其巴蓬渠集壁充通開等州宜放二年租庸及諸色徵科亦宜蠲免

仍委本道觀察使及刺史縣令切加招撫 德宗建中元年始以楊炎議行兩稅法 按唐書德宗本紀建中元年正月辛未遣黜陟使於天下二月丙申初定兩稅 按食貨志租庸調之法以人丁爲本自開元以後天下戶籍久不更造丁口轉死田畝賣易貧富升降不實其後國家侈費無節而大盜起兵興財用益屈而租庸調法弊壞自代宗時始以畝定稅而斂以夏秋至德宗相楊炎遂作兩

稅法夏輸無過六月秋輸無過十一月置兩稅使以總之量出制入戶無主客以居者爲簿人無丁中以貧富爲差商賈稅三十之一與居者均役田稅視大曆十四年墾田之數爲定遣黜陟使按比諸道丁產等級免餽募俾獨不濟者敢有加斂以枉法論議者以租庸調高祖太宗之法也不可輕改而德宗方信用炎不疑也舊戶三百八十萬五千使者按比得主戶三百八十萬客戶三十萬天下之民不土斷而地著不更版籍而得其虛實歲斂錢二千五百餘萬緡米四百萬斛以供外錢九百五十餘萬緡米千六百餘萬斛以供京師 按楊炎傳初定令有租賦庸調法自開元承平久不爲版籍法度玩愒而丁口轉死田畝換易貧富升降悉非向時而戶部歲以空文上之又成邊者獨其租庸六歲免歸元宗事夷狄成者多死邊將諱不以聞故貫籍不除天寶中王鉞爲戶口使方務聚斂以其籍存而丁不在是隱謀不出乃按舊籍除當免者積三十年責其租庸人苦無告故法遂大敝至德後天下起兵因以饑癘百役並作人戶凋耗版圖空虛軍國之用仰給於度支轉運使四方征鎮又自給於節度都團練使賦歛之司數四莫相統攝綱目大壞朝廷不能覆諸使諸使不能覆諸州四方貢獻悉入內庫權臣巧吏因得旁緣公託進獻私爲賊盜者動萬萬計河南山東荆襄劍南重兵處皆厚自奉養王賦所入無幾科斂凡數百名廢者不削重者不去新舊仍積不知其涯百姓竭膏血驚親愛旬輸月送無有休息吏因其苛竄食於人富人多丁者以宦學釋老得免貧人無所入則丁存故課

死於上而賦增於下是以天下殘瘁蕩為浮人鄉居地著者百不四五炎疾其敝乃請為兩稅法以一其制凡百役之費一錢之斂先度其數而賦於人量出制入戶無主客以見居為簿人無丁中以貧富為差不居處而行商者在所州縣稅三十之一度所取與居者均使無僥利居人之稅秋夏兩入之俗有不便者正之其租庸雜徭悉省而丁額不廢其田畝之稅率以大曆十四年墾田之數為準而均收之夏稅盡六月秋稅盡十一月歲終以戶賦增失進退長吏而尚書度支總為帝善之使論中外議者沮詰以為租庸今行數百年不可輕改帝不聽天下果利之自是人不上斷而地著賦不加斂而增入版籍不造而得其虛實吏不誡而姦無所取輕重之權始歸朝廷

按舊唐書本紀元年春正月辛未御丹鳳門大赦天下自艱難以來徵賦名目頗多今後除兩稅外輒率一錢以枉法論甲午詔東都河南江淮山南東道等轉運租庸青苗鹽鐵等使尚書左僕射劉晏頃以兵車未息權立使名久勤元老集我庶務悉心瘁力垂二十年朕以征稅多門鄉邑凋耗聽於羣議思有變更將置時和之理宜復有司之制爰所領使宜停天下錢穀委金部倉部中書門下揀兩司郎官准格式調掌二月丙申遣黜陟使一十一人分行天下是歲戶部計帳戶總三百八萬五千七十有六賦入一千三百五萬六千七十貫鹽利不在此限

按杜佑通典元年制百姓及客等約丁產定等第均率作年支兩稅其應稅斛斗據大曆十四年見佃青苗地額均稅夏稅六月內納畢秋稅十一月內納畢

其舊租庸及諸邑名目一切並停凡權衡度量之制度以北方秬黍中者一黍之廣為十分為寸十寸為尺十尺為丈量以秬黍中者容千二百為龠二龠為合十合為升十升為斗十斗為斛權衡以秬黍中者百黍之重為銖二十四銖為兩三兩為大兩十六兩為斤調鍾律測晷景合湯藥及冠冕制用小升小兩自餘公私用大升大兩諸課役每年計帳至尚書省度支配來年事限十月三十日以前奏記若須折受餘物亦先支料同時處分若是軍國所須庫藏見無者錄狀奏聞不得便即科下諸庸調物每年八月上旬起輸三十日內畢九月上旬各發本州租調車舟未發間有身死者其物却還其運腳出庸調之家任和顧送達所須裏束調度折庸調充隨物輪納諸租準州土收穫早晚斟酌量路程險易遠近次第分配本州收穫訖發遣十一月起輸正月三十日內納畢若江南諸州從水路運送冬月水淺上埭艱難者四月以後運送五月三十日內納完其輸本州者十二月三十日內納畢若無粟之鄉輸稻麥隨熟即輸不拘此限即納當州未入倉窖及外配未上道有身死者并却還應貯米處折粟一斛輸米六斗其雜折皆隨土毛准當鄉時價諸邊遠州有夷獠雜類之所應輸課役者隨事斟量不必同之華夏諸任官應免課役者皆待蠲符至然後注免符雖未至驗告身灼然實者亦免其雜任被解應附者皆依本司解時日月據徵諸春季附者課役並徵夏季附者免課從役秋季附者俱免其詐冒隱避以免課役不限附之早晚皆徵當發年課役逃亡者附亦同之諸人居於鄉樂

遷就寬鄉者去本居千里外復三年五百里外復二年三百里外復一年一遷之後不復更移諸沒落外蕃得還者一年以上復三年二年以上復四年三年以上復五年外蕃之人投化者復十年諸部曲奴婢放附戶貫復三年諸孝子順孫義夫節婦志行聞於鄉閭者尚書省奏聞表其門閭同籍悉免課役諸丁匠歲役工二十日有閭之年加二日須留役者滿十五日免調三十日租調俱免通正役並不過五十日又按通典尚書省度支總天下經費自安祿山反至德乾元之際置度支使永泰之後度支罷使置轉運使以掌其外度支以掌於內建中初又罷轉運使復歸度支分命黜陟使往諸道收戶口及錢穀名數每歲天下共斂三千餘萬貫其二千五百餘萬貫以供外費九百五十餘萬貫供京師稅米麥共千六百餘萬石其二百餘萬石供京師千四百萬石給充外費

按開府元龜元年正月制自艱難已來徵賦名目繁雜委黜陟使與諸道觀察使刺史作年支兩稅徵納比來新舊徵科色目一切停罷兩稅外輒別率一錢四等官准擅與賦以枉法論其軍府支計等數准大曆十四年八月七日勅處分二月發黜陟使分往天下作兩稅之法凡百役之費一錢之斂先度其數而賦於人量出以制入戶無主客以見居為簿人無丁中以貧富為差行商者在所部郡縣稅三十之一居人之稅秋夏兩徵之俗有不便者二之餘徵賦悉罷而丁額不廢其田畝之稅率以大曆十四年墾田為准徵夏稅無過六月秋稅無過十一月違者進退長

吏令黜陟使各量風土所宜人戶多少均定其賦稅尚書度支總統焉

按玉海元年正月五日遣黜陟使與觀察使及刺史轉運所由計百姓及客等約丁產定等第均率作年支兩稅如當處土風不便更立一限其比來徵科色目一切停罷二月十一日丙申仍與觀察使刺史計人產等級爲兩稅法此外斂者以枉法論八月宰相楊炎上疏奏曰至德之後軍國之用仰給於度支轉運二使四方征鎮又自給於節度團練使朝廷不能覆諸使諸使不能覆諸州四方貢獻悉入內庫令請作兩稅法以一其名

建中三年給復易定等六州三年詔天下兩稅錢每貫增二百

按唐書德宗本紀三年二月甲戌給復易定深趙恆冀六州三年

按舊唐書本紀三年五月丙戌增兩稅每貫增二百八月丁未初分置汴東西水陸運兩稅鹽鐵事從戶部侍郎判度支趙贊奏也 按食貨志三年五月淮南節度使陳少遊請於本道兩稅錢每千增二百因詔他州悉如之

按開府元龜三年既誅李惟忠下詔易定深趙嘗冀節度觀察管內百姓除本道所用外者給復三年

興元元年獨復諸州有差

按唐書德宗本紀興元元年正月癸酉大赦改元給復奉天五年城中十年六月癸丑以梁州爲興元府給復一年已給復洋州一年加給興元一年免鳳州今歲稅七月丙子次鳳翔免今歲秋稅辛卯大赦

給復京兆府一年

按開府元龜元年春正月癸酉在奉天行宮受朝賀畢大赦改元制其奉天昇爲赤縣仍給復五年在縣城內者給復十年六月癸丑詔改梁州爲興元府百姓給復一年已詔曰朕巡狩於南自春涉夏師旅殷會日費斯廣州閭閻軸輻計其空東作妨時西成罕望雖僉僉從事人不告勞而愧悼積東予實知咎昨者減其租稅優以復除庶乎有瘳汔用小息泊駕言旋軫躬履長途絕嗣索迴危棧綿互時經途遼道路阻修工徒造舟縣人葺路長幼耄耄莫獲寧居而又齋荷糗糧共備頓舍涉於千里犒我六師居人露處而罔息宿麥過時而不獲觀此妨奪彌增感傷前所蠲除未足酬卹式敷惠澤以艾大勞其興元府除先減放秋稅給復外更給復一年洋州除放秋稅外給復一年鳳州全放今年秋稅七月丙子車駕至鳳翔詔鳳翔府管內今年秋稅及去年已前逋欠並宜放免辛卯大赦制京兆府百姓普恩外給復一年貞元元年八月己卯給復河中同絳二州一年

按唐書德宗本紀云云

按舊唐書本紀貞元元年夏四月己卯江陵度支院失火燒租賦錢數百餘萬時關東大饑賦調不入由是國用益窘秋七月甲戌收復河中己卯詔河中同絳百姓給復一年

按開府元龜元年八月李懷光平詔河中府及同絳百姓並經陷賊生業廢棄典言軫念良用憫然宜各給復一年

貞元二年給復淮西二年兩稅青苗等錢聽氏折納

又捐酒戶差役

按唐書德宗本紀二年四月甲申給復淮西二年按舊唐書本紀二年春正月甲寅詔天下兩稅錢物委本道觀察使刺史差人送上都其先置諸道水陸轉運使及度支巡院江淮轉運等使並停冬十月壬午奏關內河中河南等道秋夏兩稅青苗等錢悉折納粟麥兼加估收糴以便民從之十二月壬申京城內榷酒每斟榷錢一百五十文獨酒戶差役從度支奏也

按開府元龜二年四月李希烈平詔淮西百姓等久經淪陷兼被傷夷想茲凋殘實足哀愍除供當道軍用之外宜給復二年將士之中不樂在軍願歸農桑者委節度使刺史量給逃戶死戶田宅并借貸種糧優復終身使之存濟

貞元三年上敕于新店與野人趙光奇語復其家

按唐書德宗本紀不載 按開府元龜三年十二月庚辰臘上敕于新店幸野人趙光奇家問曰百姓樂乎對曰不樂帝曰仍歲頗稔何不樂乎對曰蓋由陛下詔令不信於人所以然也前詔云兩稅之外悉無他徭今非理而誅求者殆過之後又云和糴於百姓曾不識一錢而強取之始云所糴粟麥納於道次今則遣至於京西行營動過數百里車摧牛斃破產奉役不能支也百姓愁苦如此何有於樂乎雖頻降優卹之詔而有司多不奉之亦恐陛下身在九重未之知也帝感異之因詔復除其家

貞元四年詔兩稅審等第高下三年一定戶並放免一切錢米

按唐書德宗本紀不載 按食貨志朱泚平天下戶口三耗其二貞元四年詔天下兩稅審等第高二三年一定戶自初定兩稅貨重錢輕乃計錢而輸綾絹既而物價愈下所納愈多絹匹爲錢三千二百其後一匹爲錢一千六百輸一者過二雖賦不增舊而民愈困矣度支以稅物頒諸司皆增本價爲虛估給之而繆以濫惡督州縣剝價謂之折納復有進奉宜索之名改科役曰召顧率配日和市以巧避徵文比大曆之數再倍又癘疫水旱戶口減耗刺史折戶張虛數以寬責逃死闕稅取於居者一室空而四鄰亦盡戶版不緝無浮游之禁州縣行小惠以傾誘鄰境新收者優假之唯安居不遷之民賦役日重帝以問宰相陸贄贄上疏請釐革其甚害者大略有六其一曰國家賦役之法曰租曰調曰庸其取法遠其斂財均其域人固有田則有租有家則有調有身則有庸天下法制均壹雖轉徙莫容其姦故人無搖心天寶之季海內波蕩版圖墮於避地賦法壞於奉軍賦役舊法行之百年人以爲便兵興供億不常誅求墮制此時弊非法弊也時有弊而未理法無弊而已更兩稅新制竭耗編氓日日滋甚陛下初即位宜損上益下費用節財而摘郡邑驗簿書州取大曆中一年科率多者爲兩稅定法此總無名之暴賦而立常規也夫財之所生必因人力兩稅以資產爲宗不以丁身為本資產少者稅輕多者稅重不知有藏於襟懷囊篋物貴而人莫窺者有場圃園倉直輕而衆以爲富者有流通蕃息之貨數寡而日收其贏者有廬舍器用價高而終歲利寡者計估算縉失平長僞挾輕費轉

徙者脫徭稅敦本業者困斂求此誘之爲姦賊之避役也今徭賦輕重相百而以舊爲準重處流亡益多輕處歸附益衆有流亡則攤出已重者愈重有歸附則散出已輕者愈輕人嬰其弊願詔有司與宰相量年支有不急者罷之廣費者節之軍興加稅諸道權宜所增皆可停稅物估價宜視月平至京與邑樣符者不得虛稱折估有濫惡罪官吏勿督百姓每道以知兩稅判官一人與度支參計戶數量土地沃瘠物產多少爲二等州等下者配錢少高者配錢多不變法而逋逃漸息矣其二曰播殖非力不成故先王定賦以布麻績績百穀勉人功也又懼物失貴賤之平交易難準乃定貨泉以節輕重蓋爲國之利權守之在官不以任下然則穀帛人所爲也錢貨官所爲也人所爲者租稅取焉官所爲者賦斂捨焉國朝著令稅出穀庸出絹調出綸繒布麻易嘗禁人鑄錢而以錢爲賦今兩稅改算縉之末法估資產爲差以錢穀定稅折供雜物歲日頗殊所供非所業所業非所供增價以市所無減價以貨所有耕織之力有限而物價貴賤無常初定兩稅萬錢爲絹三匹價貴而數不多及給軍裝計數不計價此稅少國用不充也近者萬錢爲絹六匹價賤而數加計口蠶織不殊而所輸倍此供稅多人力不給也宜令有司覆初定兩稅之歲絹布定估爲布帛之數復庸調舊制隨土所宜各修家技物甚賤所出不加物甚貴所入不減且經費所資在錢者獨月俸資課以錢數多少給布廣鑄而禁用銅器則錢不乏有糴鹽以入直榷酒以納資何慮無所給哉其三曰廉使奏吏之能者有四科一曰

戶口增加二曰田野墾闢三曰稅錢長數四曰率辦先期夫貴戶口增加詭情以誘姦淫苛法以析親族所誘者將議薄征則遽散所析者不勝重稅而亡有州縣破傷之病貴田野墾闢率民殖荒田限年免租新畝雖闢舊倉無矣人以免租年滿復爲汚萊有稼穡不增之病貴稅錢長數重困疲羸摧骨澀髓苟媚聚斂之司有不恤人之病貴率辦先期作威殘人絲不容纖粟不暇春貧者奔迸有不恕物之病四病繇考覈不切事情之過驗之以實則租賦所加固有受其損者此州若增客戶彼郡必減居人增處邀賞而稅數加減處權罪而稅數不降國家設考課之法非欲崇聚斂也宜命有司詳考課績州稅有定徭役有等覆實然後報戶部若人益阜實稅額有餘據戶均減十三爲上課減二次之減一又次之若流亡多加稅見戶者殿亦如之民納租以去歲輸數爲常罷據額所率者增闕勿益租廢耕不降數定戶之際視雜產以校之田既有常租則不宜復入兩稅如此不督課而人人樂耕矣其四曰明君不厚所資而害所養故先人事而借其暇力家給然後斂餘財今督收迫促蠶事方興而輪繚農功未艾而斂穀有者急賣而耗半直無者求假費倍定兩稅之初期約未詳屬征役多故率先限以收宜定稅期隨風俗時候務於紓人其五曰項師旅亟興官司所儲唯給軍食凶荒不遑賑救大小之則取息利大之則鬻田廬斂獲始畢執契行貸饑歲室家相棄乞爲奴僕猶莫之售或經死道途天災流行四方代有稅茶錢積戶部者宜計諸道戶口均之穀麥熟則平糴亦以義倉爲名主以

巡院時稔傷農則優價廣糶貴而止小歉則借貸循環斂散使聚穀幸災者無以牟大利其六曰古者百畝地號一夫蓋一夫授田不得過百畝欲使人不廢業田無曠耕今富者萬畝貧者無容足之居依託疆家爲其私屬終歲服勞常患不充有田之家坐食租稅京畿田畝稅五升而私家收租畝一石官取一私取十穡者安得足食宜爲占田條限裁租價損有餘優不足此安富恤窮之善經不可捨也贊言雖切以議逐事無施行者

按開府元龜四年正月一日大赦百姓逋欠一切放免九月詔曰興至化者務積於人故欲薄斂長國家者以義爲利故使以時朕撫臨區夏宵旰忘勞苟可以助化濟人嘗思大小皆益近以中夏甫寧頗勤經費遂收諸道停減將士糧料用叶權宜言念疲屯重茲供億其貞元四年已徵到及在路者即依前送其在百姓腹內者並放免五年已後每年合收一百萬八十八貫石亦宜放免委本道觀察使各具當管州所放開奏并曉示百姓初建中末國家多難諸道咸加詔將士赴國難兩稅外別徵資糧以給之及復京師悉罷歸農去歲宰相李泌請自貞元二年已後追收其資費納於戶部謂之諸道減將士錢乃遣度支員外郎元友直巡州府搜索之既而稅輸錢米百餘萬人力殫竭殆不堪命使臣多懇訴帝濡然而悟特詔免之自是東南之氓復安其業

欽定古今圖書集成經濟彙編食貨典

第二百十八卷目錄

賦役部彙考八

唐三貞元八則 憲宗元和十四則 穆宗長
慶四則 敬宗寶曆二則 文宗太和九則

食貨典第一百十八卷

賦役部彙考八

唐二

貞元六年閏四月乙卯詔免京兆府夏稅

按唐書德宗本紀云云

按開府元龜六年閏四月早詔京兆府諸縣田合徵夏稅者除水利地外一切放免其迴種秋苗者亦不在收稅限

貞元八年韋臯請增稅從之復以諸道水災特詔量免

按唐書德宗本紀不載 按舊唐書本紀八年夏四月丁酉韋臯請十二而稅以給官吏從之丙午以東

都河南淮南江南嶺南山南東道兩稅等物令戶部侍郎張滂主之以河內河東劍南山南西道等財戶部尚書判度支班宏主之一遵大曆故事如劉晏韓滉分掌焉五月丙辰初增稅京兆青苗畝三錢以給掌開曠騎

按開府元龜八年秋八月江淮荆湘陳宋至於河朔

連有水災十二月詔曰惠下恤人先王之政典視年制用有國之常規故有出公粟以振困窮施歲征以寬物力乃者諸道水災臨遣宣撫省覽條奏載懷惻惻其州縣府田苗損五六者免今年稅之半七分已上者皆免委度支條以聞奏朕撫臨億兆思致和平理化未臻良增愧畏

貞元十二年河南尹齊抗疏陳兩稅以錢為稅之弊不報詔減放號州及京畿賦租

按唐書德宗本紀不載 按食貨志十二年河南尹齊抗復論其弊以為軍興國用稍廣隨要而稅吏擾人勞陛下變為兩稅督納有時食暴無容其姦二十年間府庫充牣但定稅之初錢輕貨重故陛下以錢

為稅今錢重貨輕若更為稅名以就其輕其利有六更絕其姦一也人用不擾二也靜而獲利三也用不

乏錢四也不勞而易知五也農桑自勸六也百姓本出布帛而稅反配錢至輸時復取布帛更為三估計

折州縣升降成姦若直定布帛無估可折蓋以錢為稅則人力竭而有司不之覺今兩稅出於農人農人

所有唯布帛而已用布帛處多用錢處少又有鼓鑄以助國計何必取於農人哉疏入亦不報

按舊唐書本紀十二年冬十月壬戌詔以京畿旱放租稅

按開府元龜十二年二月號州刺史崔衍奏所部多是山田且當郵傳衝要屬歲不稔頗有流離舊額賦租特乞蠲減號居華陰之間而稅重數倍青苗錢華

陝之郊畝出十有八而號之人畝徵七十行乃上其事時裴延齡領度支方務聚斂乃詰行以前後刺史

無言者衍又上陳人困日久有司不宜以不訴為讒表辭切直有詔乃減號州青苗錢 又按開府元龜

十二年十月詔京兆府所奏奉先等八縣旱損秋苗一萬頃計三萬六千二百石青苗錢一萬八千二百貫比緣春夏少雨秋稼或傷頃畝雖損非多黎庶

猶慮艱食况歲旬之內供應實煩須有優矜以寬疲瘵其所奏損特宜放免先是州府奏水旱損苗別差官檢覆多有異同之議又追集人戶煩擾州府至是帝知其弊故特允其奏朝野歡慶

貞元十四年詔諸道州府放百姓通負

按唐書德宗本紀不載 按舊唐書本紀十四年春正月庚寅詔諸道州府應貞元八年至十一年兩稅及權酒錢在百姓腹內者總五百六十萬七千貫並

除放

按開府元龜十四年正月詔曰朕臨御兆人為之父

母思底於道俾安其生然則邦計不可不供封隲且以集事而累經水旱或有流庸積成逋懸浸以凋瘵

每念於此惕然疚懷中宵已興思極其弊將以憫其疾苦致於康寧豈可更擾疲人尚為徵斂宜弘善貸

以惠困窮其諸道州府應欠負貞元八年九年十年兩稅及權酒錢總五百六十萬七千餘貫在百姓腹

內一切並免如已徵得在官者宜令所司具條疏聞奏於戲天生蒸人君為司牧百姓不足過實在予永

思其艱載用祗畏宣示中外令知朕懷與議以所欠錢物等多是浮於編氓腹中各已逃移年月且久縱

令所司徵納亦無從而致雖有此詔亦無益於百姓矣

貞元 年始受諸道進奉置官市使取物於市

按唐書德宗本紀不載 按食貨志初德宗居奉天

儲畜空窘嘗遣卒視賊以苦寒乞襦袴帝不能致別

親王帶金而鬻之朱泚既平於是帝屬意聚斂常賦

之外進奉不息劍南西川節度使韋阜有日進江西

觀察使李兼有月進淮南節度使杜亞宣欽觀察使

劉贊鎮海節度使王緯李錡皆徵射恩澤以常賦入

貢名爲羨餘至代易又有進奉當是時戶部錢物所

在州府及巡院皆得擅留或矯密旨加斂諫官吏刻

祿粟增稅通津死人及蔬果凡代易進奉取於稅入

十獻二三無敢問者常州刺史裴肅齋薪炭案紙爲

進奉得遷浙東觀察使刺史進奉自肅始也劉贊卒

於宣州其判官嚴綬領軍府爲進奉召爲刑部員外

郎判官進奉自綬始也自裴延齡用事益爲天子積

私財而生民重困延齡死而人相賀是時宮中取物

於市以中官爲宮市使兩市置白望數十百人以鹽

估敝衣絹帛尺寸分裂酬其直又索進奉門戶及脚

價錢有齋物入市而空歸者每中官出沽漿賣餅之

家皆徹肆塞門諫官御史數上疏諫不聽人不堪其

弊戶部侍郎蘇弁言京師游手數千萬家無生業者

仰宮市以活奈何罷帝悅以爲然京兆尹韋濟奏小

人因宮市爲姦眞僞難辨宜下府縣供送帝許之中

官言百姓賴宮市以養者也湊反得罪

貞元十八年免京兆府及蔡申光三州租稅又詔京

畿諸縣青苗錢錢粟聽民輸納

按唐書德宗本紀不載 按開府元龜十八年二月

大水夏大旱詔其當道兩稅除當軍將士春冬衣賜

及支用外各供上都錢物已徵及在百姓腹內量放

二年 又按開府元龜十八年十月詔京畿諸縣百

姓應今歲青苗錢其中有便於納粟者計約時估價

納之如便於納錢不便於納粟者宜聽委京兆府專

督其務如縣令及主吏壅命者懲罰有差國家經計

當有儲畜百姓徵賦深可優矜所期使人亦冀均濟

咨爾長吏宜悉朕懷

貞元二十年獨京畿諸縣通租

按唐書德宗本紀不載 按開府元龜二十年二月

詔曰去夏迄秋頗愆時雨京畿諸縣稼穡不登朕用

軫慮愧爲其父母今宿麥未收其通租宿貸六十五

萬貫石宜蠲除之禮化之本繫乎京師副朕憂人屬

於長吏宜勉務農桑各安生業以諭朕懷

貞元二十一年正月丙申順宗即位二月甲子罷宮

市乙丑罷鹽鐵使月進

按唐書順宗本紀云云 按食貨志同

按舊唐書本紀二十一年六月丙申詔二十一年十

月已前百姓所欠諸色課利租賦錢帛共五十二萬

六千八百四十一貫石匹兩並宜除免

按開府元龜順宗以貞元二十一年正月丙申即位

制天下諸州府應須夫役車牛驢馬脚價之類并以

兩稅錢自備不得別有科配仍并依兩稅元勅處分

仍永爲常式不得擅有諸色權稅 又按開府元龜

二十一年二月甲子大赦天下衆百姓應欠貞元二

十一年二月三十日已前榷酒及兩稅錢物諸色通

錢並宜放免六月丙申詔曰朕君臨寰海子育兆人

思欲阜其財求俾遂生殖然後導之以禮樂齊之以

政刑典康讓之風洽和平之理而比聞官司之內尚

有逋懸每念黎蒸用深憂軫永言勤卹宜有蠲除其

莊宅使從興元元年至貞元二十年十月三十日已

前畿內及諸州府莊宅店鋪車坊園囿零地等所有

百姓及諸色人應欠租課斛畝見錢繩絲草等共五

十二萬餘並放免朕方與人休息致之富壽物有不

得其所事有可利於人寤寐求思予無所愛宜加曉

示令悉朕懷

憲宗元和元年十月甲子減劍南東西川山南西道

今歲賦

按唐書憲宗本紀云云

按開府元龜元和元年九月西川平十月詔西川百

姓等入陷兇逆不免傷殘其兩稅錢等委本道觀察

使量與矜減其東川州縣及山南西道當兇徒焚剽

之後王師攻取之辰發輓饋軍繕完補缺一日之費

豈止千金三軍所資盡出百姓永惟勞弊朕所軫懷

其東川元和二年上供錢物並放留州留使錢委觀

察使量事矜減仍具數奏聞山南西道元和二年上

供錢量放一半

元和二年獨諸州賦稅賜復產子者又李吉甫上元

和國計簿

按唐書憲宗本紀二年九月己卯免潤州今歲稅

按舊唐書本紀二年十二月己卯史官李吉甫撰元

和國計簿總計天下方鎮凡四十八管州府二百九

十四其鳳翔鄜坊邠寧振武涇原銀夏靈鹽河東易定魏博鎮冀范陽滄景淮西淄青十五道凡七十一州不申戶口每歲賦入倚辦止於浙江東西宣歙淮南江西鄂岳福建湖南等八道合四十九州一百四十四萬戶比量天寶供稅之戶則四分有一天下兵戎仰給縣官者八十三萬然人比量天寶士馬則三分加一率以兩戶資一兵其他水旱所損徵科發餉又在常役之外吉甫都纂其事成書十卷

按冊府元龜二年正月辛卯有事於南郊還御丹鳳樓大赦天下制天下應有逋欠在百姓腹內者及京畿今年夏青苗錢並放免淮南江南去年已來水旱疾疫其租稅節級蠲放是月又詔曰令人有產子者復勿算三歲令諸懷妊者賜胎養數人三斛復其夫勿算一歲著以爲令二月壬申制以浙江西道水旱相乘蠲放去年兩稅上供三十四萬餘貫四月戊午朔庚申制以劍南西川所管新羅兵革蠲放去年兩稅權酒上供錢五十六萬餘貫今年者免其半七月辛卯蠲劍西南川常賦錢米貫石七十餘萬以經劉闢亂故也十月潤州將張子良等既擒逆賊李錡制曰每念疲屯久罹虐政而又迫於逆命驅以饋軍攫斂則灌以漏卮傷殘則烈於猛火永言於此如納諸隍宜申蠲貸之恩冀息歌吟之苦其潤州今年秋稅未徵納者一切放免其管內諸州如李錡作亂之後橫加徵剝委元素審加勘責具色目聞奏其權酒錢亦宜處置聞奏

元和三年罷除官受代進奉分天下之賦爲三曰上供送使留州

按唐書憲宗本紀三年正月癸巳罷諸道受代進奉錢 按食貨志憲宗又罷除官受代進奉及諸道兩稅外權率分天下之賦以爲三曰上供二曰送使三曰留州宰相裴垪又令諸道節度觀察調費取於所治州不足則取於屬州而屬州送使之餘與其上供者皆輸度支是時因德宗府庫之積頗約費用天子身服澣濯及劉闢李錡既平嘗藏皆入內庫

按舊唐書裴垪傳先是天下百姓輸賦於州府一曰上供二曰送使三曰留州建中初定兩稅時貨重錢輕是後貨輕錢重齊人所出固已倍其初征以其留州送使所在長史又降省估使就實估以自封殖而重賦於人及垪爲相奏請天下留州送使物一切令依省估其所在觀察使仍以其所蒞之郡租賦自給若不足然許徵於支郡其諸州送使額悉變爲上供故江淮稍息肩

元和四年度支奏諸道兩稅徵斂不常請加釐革詔置兩稅使周視四方民受其利

按唐書憲宗本紀四年正月壬午免山南東道淮南江西浙東湖南荆南今歲稅

按舊唐書本紀四年十二月壬申中丞李夷簡奏諸州府於兩稅外違格科率請諸道鹽鐵轉運度支巡院察訪報臺司以憑舉奏從之

按冊府元龜四年正月詔元和三年諸道應遭水旱所損州府合放兩稅錢米等損四分以下者宜准此處分損四分已上者並准元和元年六月十八日勅文放免 又按冊府元龜四年二年度支奏諸州府應上供受稅足段及留使留州錢物等每年正投估

價稍貴其留使留州錢即聞多是徵納見錢及賤價折納正段既非齊一有損疲人伏望起元和四年已後據州縣官正料錢數內一半任依京官例徵納見錢支給仍先以郭下兩稅戶合給見錢充如不足即於當州兩稅內據貫均配支給其餘留使州雜給用錢即請各委州府並依送省輕貨中估折納正段充如本戶稅錢較少不成端正者並任折納絲綿如舊例徵納雜物斛對支用者即任准舊例處分其折納正段定中估仍委州縣精加揀擇如有濫惡所由官并請准今年正月十五日旨條處分應帶節度觀察使州府合送上都兩稅錢既須差綱發遣其留使錢又配管內諸州供送事頗重疊其諸道留使錢伏請各委節度觀察使先以本州舊額留使及送上都兩稅錢充如不足即於管內諸州兩稅錢內據貫均配其諸州舊額供使錢即請隨夏稅旨限收送上都度支收入次年旨符便爲定制伏以諸道兩稅徵斂不常閭井之間頗聞困弊臣今類會如前勅所納正段并依中估明知加價納物務在利及疲人若更徵剝實錢即是重傷百姓自今已後送省及留使正段不得剝徵折估錢但委刺史縣令分明告諭令加意織造不得濫惡故違節級科貶其供軍營菜等價直合以留州使錢充者亦令見錢正段場納仍具每州每使合納見錢數及州縣官俸料納一半見錢數同分折聞奏仍便納入今年旨條以爲常制餘依先是天下方鎮恣意誅求皆以實估斂於人虛估聞於上宰臣裴垪深知其弊俾有司奏請釐革江淮之人今受其賜

按會要四年六月詔兩稅法不定物估爰命帖職周視四方以揚子鹽鐵留後爲江淮已南兩稅使江陵留後爲荆衡漢沔東界彭蠡南及日南兩稅使度支山南西道分巡院官充三川兩稅使收復瀘青十二州命諫議大夫王彥威爲兩稅使

元和五年度支奏准分配見錢之制

按唐書憲宗本紀不載 按開府元龜五年正月度支奏諸州府見錢准勅宜於管內州據都徵錢數逐貫均配其先不徵見錢州郡不在分配限都配定一州見錢數任刺史著百姓穩便處置其勅文不加減者即准州府所申爲定額如於勅額見錢外輒擅配一錢及納物不依送省中估刺史縣令錄事參軍節及科貶

元和六年免京兆府及諸州租稅放百官職田粟

按唐書憲宗本紀不載 按舊唐書本紀六年冬十月己巳詔朕於百執事羣有司方澄源流以責實效轉運重務專委使臣每道有院分督其任今陝路漕引悉歸中都而尹守職名尚仍舊貫又諸道都團練使足修武備以靖一方而別置軍額因加吏祿亦既虛設頗爲浮費思去煩以循本期省事以使人其河南北陸運陝府陸運渭州鎮海軍宣州采石軍越州義成軍洪州南昌府福州靖海軍等使額並宜停所收使已下俸料一事已來委本道充代百姓關額兩稅仍具數奏聞

按開府元龜六年二月制曰編戶之征既有藝極宇毗之要當恤有無苟徵斂不時則困弊無日近緣諸州送使錢物回充上供合送使者使司又立程限所

以每至歲首給用無資不免量抽夏稅新陳未接營辦尤艱委觀察使且以供軍錢方員借使輒不得重抽百姓夏貢有差先乎任土周弊殊等實在使人近日所徵布帛並先定物樣一例作中估受納精粗不等退換者多轉將貨賣皆致損折其諸道留使留州錢數內綿帛等但有用處隨其高下約中估物價優饒與納則私無棄物官靡通財其所納見錢仍許五分之中量徵二分餘三分兼納實估足段六月命京兆府其兩稅宜以粟麥絲絹折納 又按開府元龜六年二月甲午勅泗州二年水旱所損不虛其欠元和五年錢四千六百四十貫米三千一百石等宜並放免四月丁亥浙江東道觀察使李遜奏當道台明溫婺四州貞元五年准詔權加官健一千五十八人今請停罷歸農其衣糧稅外所徵錢米並請蠲放從之又免鄂岳道逃戶錢十三萬五千貫十月戊寅制曰朕聞王者之牧黎元也愛之如子視之如傷苟或風雨不時稼穡不稔則必除煩就簡惜力重勞以圖便安以阜生業况邦畿之內百役所叢雖勤卹之令亟行而供億之制猶廣重以經夏炎曠自秋霖雨南畝虧播植之功西成失豐登之望內乏口食外牽王徭豈惟轉徙之虞慮有餒殍之患斯蓋理道猶儻和氣未通永言於茲良所咎歎宜加惠貸式示誠懷比者每令折糴本以使人爲意今田穀所收其數既少必恐徵納之後種食不充其京兆府宜放今年所配折糴粟二十五萬石如百姓有粟情願折納即於時價外特加優饒與納仍令當處收貯委度支逐便支用今春貸百姓義倉斛斛屬歲早歉須議優矜宜令

所司客至豐收日徵填京兆府從元和五年已前諸縣租稅有逋懸錢在百姓腹內者放免其百官職田數額甚廣近緣水潦道路不通計搬運腳價所費猶倍於令寬濟使其安存其破損外職田粟宜令逐近貯納仍委度支隨便支用其職田粟送城腳價亦宜放免百官今年本分職田粟據損數外宜令於太倉請受其草及水田租既緣城中無可廻給即宜據損數外准舊例令今年畿內田苗應水旱損處無聞至今檢覆未定又屬霖雨所損轉多有妨農收慮致勞擾其諸縣勘覆有未畢處宜令所司據元訴狀便與破損不必更令檢覆其未經申訴者亦宜與類例處分朕以爲理之本在乎安人咨爾尹京宰邑之臣實惟親人阜俗之寄必當詢其疾苦奉我詔條恤隱爲心無怠於事罔或徇利以剝下吐剛而茹柔使閭井或安惇後復濟各勉忠效宜悉朕懷閏十二月乙巳勅畿內百姓頃以秋稼早損農收不登言念疲黎每務矜恤乃者詔命既下各已加恩如聞村閭之間尚慮乏食更宜優貸以惠吾人其粟及大豆除已徵納外見在百姓腹內者宜令全放青苗錢欠在百姓腹內者量放一半

元和七年放免諸色錢粟給復魏博等六州一年

按唐書憲宗本紀七年十一月辛酉敕魏博具衛澶相六州給復一年

按開府元龜七年二月庚寅制元和六年諸色稅草并職田草共一百一十五萬束並宜放免又有常賦錢穀蠲放之餘貧弊者多慮難輸入欲令寬恤須有優矜其京兆府欠去年兩稅青苗等錢二萬一千八

百貫欠秋稅雜斛計及職田粟五萬三千三百石並宜放免元和六年春賑貸京畿百姓義倉粟二十四萬石亦宜放免

元和九年放免關內京畿已前及今年諸錢粟

按唐書憲宗本紀九年五月癸酉免京畿夏稅

按舊唐書本紀九年二月丁未詔以歲饑放關內元和八年已前通租錢粟五月乙丑以早免京畿夏稅十三萬石青苗錢五萬貫

按冊府元龜九年二月詔應京畿百姓所欠元和八

年秋稅斛計青苗錢稅草等在百姓腹內者並宜放免五月癸酉以京畿旱免今年夏稅大麥雜穀合十三萬石並隨地青苗錢五萬貫

元和十年有司奏請今後蠲放其已輸納者准數折

免來年租稅從之

按唐書憲宗本紀不載 按冊府元龜十年三月京

兆府奏恩勅蠲放百姓兩稅及諸色逋懸等伏以聖慈憂軫疲氓屢蠲逋賦將行久遠實在均平有依倚權豪因循觀望忽逢恩貸全免征繇至於孤弱貧人

里胥敦迫及期輸納不敢稽違曠蕩之恩讎不霑及亦有奸猾之輩僥倖為心時雨稍愆已生覬望競相誘扇因致逋懸若無綱條實恐滋弊自今後忽逢不

稔或有恩蕩伏請每貫每石內分數放免輸納已畢者准數折免來年租稅則恩澤所加強弱普及人知

分限自絕奸欺從之諸州府亦准此處分 又按冊

府元龜十年十月戊申罷四道兩稅

元和十一年免京畿及鄰賊州稅定諸縣折納綾絹等色之制

按唐書憲宗本紀十一年正月癸未免鄰賊州二歲稅四月己未免京畿二歲逋稅七月丙戌免淮西鄰賊州夏稅

按冊府元龜十一年四月己未制曰疆理宇內必先

於京師惠綏四方亦始於中國蓋以千里之壤百役是資俾其不足吾孰與足項自春及夏時澤未降恐

失順成之道或生歉儉之災是以仰瞻昭回俯察田畝喜復朝陽之潤方寬夕惕之憂思遂庫蠶蠲逋

負其京畿百姓所有積欠元和九年十年兩稅及青

苗并折糴折納斛計及稅草等除在官典所由腹內

者並宜放免七月丙戌以淮西四面諸州鄰賊乏食

蠲放夏稅錢米有差 又按冊府元龜十一年六月

京兆府奏今年諸縣夏稅折納綾絹細絲綿等並

請依本縣時價只定上中下等每疋加饒二百文綿

每兩加饒十五文絲每兩加饒二十文其下等物不

在納限小戶本錢不足任納絲綿斛斗須是本戶如

非本戶輒合集買成疋段代納者所由決十五枷項

令衆勅旨依奏

元和十二年以鹽鐵副使程昇巡江淮數州府上供

錢穀免淮西州縣稅給後二年

按唐書憲宗本紀不載 按食貨志山南東道節度

使于頔河東節度使王鐸進獻甚厚翰林學士李絳

諍諫曰方鎮進獻因緣為姦以侵百姓非聖政所宜

帝喟然曰誠知非至德事然兩河中夏貢賦之地朝

觀久廢河湟陷沒烽埃列於郊甸方刷祖宗之恥不

忍重斂於人也然獨不知進獻之取於人者重矣及

討淮西判度支楊於陵坐饋餉繼不貲以司農卿皇

甫鐸代之由是益為剝削司農卿王遂京兆尹李翊號能聚斂乃以為宣歙浙西觀察使予之富饒之地以辦財賦鹽鐵使王播言劉晏領使時自按租庸然後知州縣錢穀利病虛實乃以副使程昇巡江淮數州府上供錢穀昇至江淮得錢百八十五萬貫其年遂代播為鹽鐵使

按舊唐書本紀十二年六月己未朔以衛尉卿程昇為鹽鐵使代王播時昇為鹽鐵使副自江南收拾到供軍錢一百八十五萬以進故得代播

按冊府元龜十二年七月甲子勅淮西四面州縣夏稅並宜放免九月丁未詔免淮西四面之州秋稅十月己卯淮西平甲申詔淮西百姓給復二年仍委州縣長吏設法安撫

元和十三年放免諸道一切逋負給復德棣等州一

年又立各司收職田草粟之制

按唐書憲宗本紀十三年正月乙酉大赦免元和二

年以前逋負六月癸亥給復德棣滄景四州一年

按舊唐書本紀十三年三月辛亥詔百司職田多少

不均為弊日久宜令逐司各收職田草粟都數自長

官以下除留守至銀臺待罪請獻德棣二州兼入管

內租稅九月甲辰以戶部侍郎判度支皇甫鏞同中

書門下平章事依前判度支以衛尉卿充諸道鹽鐵

轉運使程昇為工部侍郎同中書門下平章事依前

充使是時上切於財賦故用聚斂之臣居相位詔下

羣情驚駭宰臣裴度崔羣極諫不納二人請退

按冊府元龜十三年正月一日赦書其度支元和二

年已前諸道借便及縣欠錢物斛計雜物當四百八